

Powšitkowne WOZJEWJENJA

njedźelu, 28. awgusta 2016

„Płodaj lubosće stej miłosć a wodawanje“

Wšitcy člonjojosadnych radow w Budyskim dekanacie a Towarstwa Cyrila a Metoda z.t. (TCM) su njedźelu, 4. septembra, na dalekublanje k temje „Płodaj lubosće stej miłosć a wodawanje“ přeprašeni. Wone budže wot 8.00 do 10.20 hodź. na Chróšćanskej farje. Přednošk změje Elisabeth Neuhaus z Drježdžanskeho biskopskeho ordinariata. Tež dalši zajimowani su wutrobnje na tute zarjadowanje witani. Wobdźělnicy móža w 7 hodź. (serbsce) abo w 10.30 hodź. (němsce) njedźelnu Božu mšu w Chróšćanskej cyrkwi wopytać.

Wulět dekanatneje młodžiny tež z power-čolmom

Luba młodostna, luby młodostny!

Maš lóšt, po Sakskej Šwicy pućować, z power-čolmom po Łobju smokać a maš njedźelu, 11. septembra, chwile? Da přizjew so hač do wutory, 6. septembra, w dekanatnym dušepastyrstwje za młodžinu we Worklecach, telefonowe čisło (03 57 96) 9 55 95, abo přez e-mail na Don.Boskowy-dom@t-online.de.

Start do Sakskeje Šwicy budže wokoło 12.00 hodź. Dokładny plan, zwotkel bus w kotrym času pojedže, so wšěm, kotřiž su so přizjewili, po 6. septembrje wosobinsce zdžěli.

W 19.00 hodź. čaka na tebe slódna wječer w Haslowje. Přizamknu so reje w Haslowskej bróžni. Přinošk wučinja 22 eurow za šulerjow, studentow a wučomnikow, za tych, kotřiž hižo sami zasłužeja, pak 27 eurow. W přinošku su zapřijate jězba z busom, swačina a wječer, jězba z čolmom a reje w Haslowje. Wjeselimo so na Tebje!

Dekanatne dušepastyrstwo za młodžinu a kružk

Młodžina z biskopstwa zetka so we Wechselburgu

Wulke młodžinske zetkanje Drježdžansko-Mišnjanskeho biskopstwa budže wot pjatka do soboty, 16. do 17. septembra, w benediktinskim klóštrje we Wechselburgu. Wobdźělnikow wočakuje super atraktiwny, spirituelný, wotměnjawy, kreatiwny a hudźbny program.

Zajimcy ze serbskich wosadow měli so hač do wutory, 6. septembra, w dekanatnym dušepastyrstwje za młodžinu we Worklecach, telefonowe čisło (03 57 96) 9 55 95, přizjewić. Zdobom měli při tym hižo zdžělić, hač bychy so jeničce pjatk abo na woběmaj dnjomaj wobdžělić chcyli.

Putnikowanje kolpingowcow do Róžanta

Putnikowanje kolpingowcow Drježdžansko-Mišnjanskeho biskopstwa do Róžanta budže njedźelu, 4. septembra. Božu mšu w 10 hodź. změje nowy Drježdžansko-Mišnjanski biskop Heinrich Timmerevers. Serbske kemše w 10.30 hodź. tuž njebudu. W 13 hodź. zaklinči w cyrkwi meditatiwno-duchowna hudźba na piščelach, kotrejž přizamknu so w 14 hodź. nyšpor.

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 6. septembra, w 14 hodź. do Domu biskopa Bena w Smochćicach přeprašeni. Zajimcy njech so prašu hač do srjedy, 31. awgusta, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prašu zdžěli.

Zhromadny dzeń na Kukowskim hrodźišću

Dekanatne dušepastyrstwo přeprašuje džěci 5. a 6. lětnika sobotu, 10. septembra, wot 9.00 do 15.00 hodź. na Kukowske hrodźišće. Zajimcy njech so prašu hač do wutory, 6. septembra, pod telefonowym čislom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdžělnika přinošk, kotryž wučinja štyri eura.